

INTERINITATEEN ESKAINTZA – OFTALMOLOGIAKO FEM

Osakidetzako aldi baterako kontratazio-zerrenden webgunearen bidez bitartekotasunen eskaintza egingo da, lanerako prest egoerakotzat jotzen diren **2021eko hurrengo kontratazio-zerrenda luzeetan** dauden pertsoneri zuzenduta:

➤ **OFTALMOLOGIAKO FEM**

Prozedura hori *Osakidetza-Euskal osasun zerbitzua Ente Publikoaren Administrazio Kontseiluaren 2021eko uztailaren 21eko Erabakiari jarraikiz egiten da, Osakidetzan aldi baterako kontratazio-zerrendak egin eta kudeatzeari buruzkoa, 2023ko urriaren 31ko Erabakiaren bidez onartutako aldaketekin* (Osakidetzaren webgunean argitaratutako Erabakia, aldi baterako kontratazioari dagokion atalean: <https://www.osakidetza.euskadi.eus/contratacion-temporal/webosk00-procon/eus/>)

Eskaintako izendapenak

Zein izendapen eskaini den jakiteko eta eskatu ahal izateko, Osakidetzako **aldi baterako kontratazio-zerrenden webgunera** jo beharko zara:

https://hh-sp.osakidetza.eus/B96/home_usuario.xhtml

"Eskaintza telematikoak" atalean argitaratutako iraupen luzeko izendapenak eskaintzen dira. Irakurri posta elektronikoko honi erantsitako jarraibideak bertara sartu ahal izateko. Kontuan izan jarraibideak Osakidetzaren webgunean ere badaudela argitaratuta, aldi baterako kontratazioari dagokion atalean:

<https://www.osakidetza.euskadi.eus/aldi-baterako-kontratazioa/webosk00-procon/eu/>

“Eskaintza telematikoari buruzko jarraibideak (web)”·

Prozesu honi buruzko informazio guztia webgune honetan bertan argitaratuko da.

Iraupen luzekotzat hartuko dira sei hilabete edo gehiago iraungo duten izendapenak, aurreikusitakoaren arabera.



Nori eskainiko zaion

Izendapen luzeen kontratazioko zerrendan dauden eta lanerako prest egoerakotzat jotzen diren pertsona guztiak nahi dituzten izendapenak aukeratu ahal izango dituzte, eta hautaketa horretan eskainitako lanpostuak zein lehentasun-ordenaren arabera aukeratu dituzten adierazi beharko dute.

Era berean, 2021eko kontratazio zerrenda luzeetan izena emateko eskaera egin duten baina oraindik zerrenda horietan **sartuta ez** dauden pertsoneri ere bidaliko zaie eskaintza hau, prestakuntza espezializatua 2024. urtea baino lehen amaitu dutenei zein hurrengo egunetan amaituko dutenei. Bitartekotasunak esleitzeko ordena *Osakidetzan aldi baterako kontratazio-zerrendak egin eta kudeatzeari buruzko Osakidetza Administrazio Kontseiluaren 2021eko uztailaren 21eko Erabakiaren seigarren xedapen gehigarrian* araututakoaren arabera izango da.

Adierazitako ezaugarriak betetzen dituzten pertsonen 2024ko ekaiaren 30era arte (egun hori barne) egindako eskabideak hartuko dira kontuan.

Destino-aukeraketa

- Ez da nahitaezkoa eskaintzan parte hartzea.
- Parte hartzen baduzu, **bete nahi dituzun destinoak soilik aukeratu behar dituzu**. Hau da, ez dituzu nahitaez aukeratu behar izena emanda zauden zerbitzu-erakundeko edo zerbitzu-erakundeetako destino guztiak, ofiziozko esleipena egiten den zein ez (aurrerago azaltzen da hori).
- Hautagai gisa izena emanda dauden zerbitzu-erakundeetan **bakarrik** aukeratu ahal izango dituzte destinoak.
- Era berean, **hautagai guztiak aukeratu ahal izango dituzte hizkuntza-eskakizuna duten eta derrigortasun-data iraungita duten lanpostuak, nahiz eta eskatutako hizkuntza-eskakizuna ez izan**. Kasu horietan, esleitzeko lehentasuna “Destinoa esleitzea” atalean ezarritakoa izango da.

Gaitasuna betetzen duten destinoak SOILIK aukeratzea: dagokien Prebentzioko Oinarrizko Unitateak emandako ziurtagiria indarrean duten pertsonen, non jasoko baita **gai direla, oharrak eginda**, gaitasuna duten destinoak baino ez dituzte aukeratu beharko.

Epea

Eskaera Osakidetza **aldi baterako kontratazio-zerrenden** webgunearen bidez egin ahal izango **2024ko uztailaren 17ko 12:00etatik 2024ko uztailaren 22ko 14:00etara**.

Egun eta ordu horretatik aurrera ezin izango da eskaerarik egin.



DESTINOA ESLEITZEA

A. Hasierako esleipena

Eskaintza eskainitako plazak baino pertsona gehiagori bidaltzen zaienez (lanerako prest egoerakotzat jotzen diren pertsona guztiak), **destinoak aukeratzeak ez du esan nahi horietako bat esleituko zaizunik.**

Izendapenak automatikoki esleituko dira zerrenda luzeen puntuazio-ordenaren arabera. Zerrenda horrekin betetzen ez badira, integratuta ez dauden pertsonen zerrendara joko da.

Ez zaie zigorrik ezarriko, zerrendan lanerako prest egonik, deitutako lanpostua betetzeko eskabiderik aurkezten ez dutenei, ondoren azaltzen den ofiziozko esleipenari kalterik egin gabe.

Derrigortasun-data igarota duen euskara-eskakizuna daukan lanpostu bat aukeratu baduzu eskatutako hizkuntza-eskakizuna izan gabe, esleipenerako lehentasuna honako hau izango da:

1. – Eskatutako hizkuntza-eskakizuna (2. HE) duten pertsonak;
2. – Eskatutako hizkuntza-eskakizunaren aurrekoa (1. HE) duten pertsonak;
3. – Hizkuntza-eskakizunik egiaztatuta ez duten pertsonak.

B. Ofiziozko esleipena

Izangaiek hautatu ez dituzten edo inori esleitu ez zaizkion izendapen-eskaintzak **ofizioz esleituko dira**, hauek kontuan izanda: zerrendako kideak hautatutako zerbitzu-erakundea, lanpostuen argitalpen-ordena, zerrendan duen lehentasun-ordena eta iraupen luzeko aldi baterako izendapenak hartzeko prest dagoen. Izangai batek ofiziozko esleipenari uko egiten badio eta ez badu justifikatzeko arrazoirik alegatzen, **2021eko uztailaren 21eko Erabakiaren 41.** artikuluan xedatutakoaren arabera dagokion zigorra ezarriko zaio.

Ofiziozko esleipenean, lehenengo eskaintzatik hasiko da, izendapenak argitaratu ziren hurrenkeraren arabera; beraz, hutsik geratu den lehen izendapena ofizioz esleituko zaio Zerbitzu Erakundeko izendapen luzeen zerrendako lehenengo izangaiari. Zerrenda hori agortuko balitz, barrutiko izendapen luzeen zerrendan lanerako prest dagoen lehen pertsonari esleituko litzaioke, eta horrela hurrenez hurren, izendapen guztiak esleitu arte.

Izangaiei jakinaraziko zaie esleitutako destinoa eta dagokien zerbitzu-erakundeko Langileen Zuzendaritza haiekin jarriko da harremanetan lanean hasteko eguna ezartzeko.



Esleitutako lanpostua ez onartzearen ondorioak

Esleitutako lanpostuei ezin izango zaie uko egin, eta, beraz, esleitutako izendapen bat onartzen ez bada edo uko egiten bazaio, kontratazio-zerrendetako izendapen luzeen zerrendatik kanpo geratuko da interesduna 2021eko uztailaren 21eko Erabakiaren 41. artikuluan ezarritako epeetan.

